

Ka-badbaadayaasha Duufaanta Ohio: Ka war haay FEMA

Release Date: Juun 6, 2024

COLUMBUS - Dadka degan Ohio oo codsaday gargaar federaal waxey u baahnaan karaan iney daba-galaan FEMA ayna bixiyaan macluumaad iyo dukumintiyo dheeri ah si codsigooda horey loogu sii wado. Kuwa wali caawinaad uga baahan soo-kabasho kadib duufaanadii 14 Maarso oo aan wali codsan, waxey wali haystaan wakhti ay sidaa ku sameeyaan.

Codsadayaasha leh Caymis

Haddii aad la codsatay FEMA aadna leedahay caymis, waxaad u baahnaan doontaa inaad u gudbisid dejinta caymiska ama warqada inkiraada FEMA. Sharciyan, FEMA ma laba jibaari karto faa'iidooyinka ama qasaaraha ay daboolaan ilo kale.

Haddii dejinta caymiskaaga la soo daahiyey, la hadal marka hore wakiilkaaga caymiska. Waxaad dabadeed Waaxda Caymiska Ohio kala xiriiri kartaa 800-6860-1526 haddii aadan awoodin inaad xalisid cabashadaada. FEMA iyo Maamulka Ganacsi Yar ee Mareykanka (SBA) waxey sidookale dad ka caawini karaan lacag-bixinada xiliga hore. Wax badan ka baro aidgoo kala xiriiraya Leenka-Caawinta FEMA 800-621-3362 ama ka wacaya SBA 800-659-2955.

Codsadayaasha racfaan ka qaadanaya Go'aan Hore ee FEMA

Si taxaddir leh u akhri warqadaada FEMA: waxey bixin doontaa macluumaad dheeri ah oo ku saabsan waxa la gudbiyo haddii aad doorbidid inaad racfaan ka geysid go'aanka FEMA. Waxaad haysataa 60 maalmood laga bilaabo taariikhda warqadaada si aad sidaa u sameysid.

Waxaad ugu gudbin kartaa dukumintiyada FEMA qaabab badan.

- **Onleen ahaan:** Adeegso koontadaada onleenka ee FEMA. Si aad u degsato koonto onleen ee FEMA ah, booqo DisasterAssistance.gov, ku dhufo "Codso



FEMA

Page 1 of 2

Onleen" oo raac jihooyinka.

- **Boosto ahaan:** Xarunta Ka-shaqeynta Qaranka ee FEMA, P.O. Box 10055, Hyattsville, MD 20782-7055
- **Fakis ahaan:** 800-827-8112, Fiiro-gaar ah: FEMA
- **Waji-ka-waji:** Booqo wax Xarun Kasoo-kabasho Musiibo ah. Xarun ka hel halkan: [fema.gov/DRC](https://www.fema.gov/DRC).

Maanka ku haay in qad toos ah ee caawin sharciyeed uu sidookale u diyaarsanyahay dadka Ohio ay saameysey duufaanaadii 14 Maarso. Badbaadayaasha kaalmo ugu baahanaya arrimo sharci la xiriira - ay ku jiraan kuwa ku xiran faa'iidooyinka FEMA iyo SBA - waxey wici karaan (888) 534-1432 xili kasta una reebi karaan fariin haddii ay soo wacayaan saacadaha shaqada kadib.

Xasuusin: Taariikhda kama dambeysta Codsiga waa Luulyo 1, 2024

Kuwaan wali codsan oo u baahan caawin soo-kabasho, bilaw meel-marinta codsiga adigoo aadaya onleenka [DisasterAssistance.gov](https://www.DisasterAssistance.gov), lasoo dagaya [abbka moobeelka FEMA](https://www.abbka.moobeelka.FEMA) ama ka wacaya FEMA Qadka-Caawinta ee 800-621-3362-3362. Haddii aad isticmaashid adeega isku-duwida muuqaal, adeeg taleefon ee qoraal leh ama waxkale, usii FEMA taleefonkaaga adeegaas.

Xusuusnow: Xitaa haddii aad caymis ku jirtid, FEMA waxey kaa caawin kartaa kharashka aynan daboolin shirkadaada caymiska. Nooc walba ee gargaar, FEMA waxey eegi doontaa lacag-bixinta caymiskaaga waxeyna barbardhigi doontaa khasaarahaada ama waxyeeladada la xaqiijiyey.

Codsadayaasha waxey wali awoodaan iney gudubiyaan dukumintiyada ay codsatay FEMA, sida warqada dejinta caymiska, kadib marka taariikhda kama dambeysta ee diiwaangelinta dhaaftay.

Xaqiiji inaad codsatid kahor taariikhda kama dambeysta ee Luulyo 1. Xog dheeraad ah ee ku saabsan hawsha kasoo-kabasho musiiibo ee Ohio, booqo www.fema.gov/disaster/4777.



FEMA